

Elak terperangkap dalam cinta siber

Oleh NOOR MOHAMAD
SHAKIL HAMEED

DILAPORKAN seramai 1,018 individu yang sebahagian bersarnya golongan wanita telah menjadi mangsa penipuan cinta siber atau lebih sinonim dengan gelaran 'African Scam' dalam kalangan masyarakat kita.

Kes ini dilaporkan membabitkan kerugian hampir RM52 juta di mana kesemua penipuan cinta siber ini adalah sebahagian daripada 16,690 kes jenayah komersial yang disiasat oleh Polis Diraja Malaysia (PDRM) sepanjang tahun 2014.

Menurut Pengarah Jabatan Siasatan Jenayah Komersial (JSJK) Bukti Aman, Datuk Seri Mortadza Nazarene, kes seperti ini terlalu susah dikesan kerana identiti suspek atau penjenayah terbabit sukar dikenal pasti berikutan mereka menggunakan gambar orang lain dalam Internet ketika berhubungan dengan mangsa.

Jelas ini bukan senario baharu dalam negara kita. Sudah acap kali media tempatan melaporkannya. Maka jika kita meneliti statistik dan trend jenayah siber ini situasinya boleh dikatakan mula mengancam dan membimbangkan terutamanya golongan wanita negara ini yang menjadi kumpulan sasaran utama penjenayah siber.

Untuk rekod, sepanjang 2013 pula, sebanyak 1,095 orang menjadi mangsa penipuan cinta siber ini dengan nilai kerugian keseluruhannya RM36.5 juta. Sementara itu, pada 2012, sebanyak 814 orang dilaporkan menjadi mangsa dan nilai kerugian keseluruhan adalah RM33.6 juta.

Hakikatnya, penulis percaya bahawa jumlah sebenar mangsa dan nilai kerugian penipuan itu mungkin lebih besar kerana tidak banyak mangsa yang berani tampil mengadu kepada pihak berkuasa kerana faktor malu kepada keluarga dan masyarakat.

Apa yang pasti jenayah ini tidak kenal usia, latar belakang dan pangkat di mana sesiapa pun boleh menjadi mangsa penipuan cinta itu tidak kira wanita ataupun lelaki, golongan muda maupun golongan dewasa yang sudah mencencah usia 60-an.

Ironinya, status pekerjaan dan pendidikan tidak boleh dijadikan ukuran kerana majoriti mangsa terutamanya golongan wanita negara ini yang menjadi mangsa sindiket penipuan ini adalah golongan profesional seperti pensyarah, kontraktor, doktor, guru dan jururawat.

Taktik licik sindiket penjenayah ini boleh dikatakan cukup jelas di mana kebiasaannya sindiket itu



ANGGOTA polis menyatakan siasat beberapa warga Afrika yang disyaki terlibat dalam kes penipuan menggunakan Internet di Ampang, Selangor pada 2011. - GAMBAR HIASAN

Sewajarnya wanita tempatan mengambil iktibar daripada segala pendedahan seperti ini. Cukuplah bilangan mangsa yang terjerat selama ini. Jangan ulangi kesilapan yang sama kerana akhirnya kita jua yang akan rugi.

akan memaparkan kekayaan dan kekacakan dengan gambar-gambar profil yang ditipu untuk menjerat mangsa.

Apa yang menyediakan kenapa begitu mudah rakyat negara ini terpedaya dengan paparan wajah yang kacak maupun sogokan wang ringgit dan kekayaan yang hanya nyata di alam siber semata-mata.

Terlalu banyak kes penipuan cinta siber terutamanya membabitkan "awang hitam" telah didedahkan dalam media tempatan yang hampir kesemuanya melibatkan penipuan wang di mana mangsa memasukkan sejumlah wang ke akaun yang diminta oleh individu terbabit dengan pelbagai alasan dan antara alasan paling klise adalah untuk mendapatkan hadiah istimewa yang dikirimkan teman lelakinya yang dikatakan ditahan kastam di lapanan terbang.

Janji manis seperti akan datang ke Malaysia dan bersetuju untuk mengahwini mereka adalah taktik lapuk yang sering digunakan oleh kumpulan sindiket seperti ini.

Apa yang membimbangkan kita

adalah sampai bila perkara sebegini akan berterusan. Walaupun pelbagai pendedahan dan nasihat telah diberikan oleh pihak berkuasa ternyata masih ramai yang degil dan mudah terpedaya.

Sedarlah bahawa mereka hanya mahukan duit. Itu adalah matlamat utama sindiket cinta siber ini. Untuk itu mereka sanggup melakukan apa saja dengan modus operandi yang cukup tersusun, berstrategi dan licik.

Misalnya, strategi yang paling biasa mereka gunakan untuk menjerat mangsa di alam maya adalah suspek akan menggunakan identiti palsu, menggunakan laman sosial untuk menjerat mangsanya dengan janji cinta yang tidak wujud, meminta mangsa memasukkan sejumlah wang kepadanya, menggunakan beberapa akaun milik rakyat tempatan, menghilangkan diri selepas mendapat sejumlah wang dan kebiasaannya percintaan akan terjalin dalam tempoh yang lama untuk meyakinkan mangsa.

Kaedah pelaksanaan modus operandi mereka juga dikatakan cukup tersusun dan berstruktur misalnya, mempunyai buku skrip khas di mana suspek akan membacanya semasa menghubungi mangsa.

Skrip tersebut mengandungi ayat-ayat cinta yang cukup puitis dan romantik bagi memuji kecantikan dan kekuatan cinta mereka untuk memperdayakan mangsa, ada ketikanya setelah lama berkenalan, suspek akan meminta pertolongan mangsa supaya membantunya dari segi kewangan ekoran masalah yang dihadapi, berjanji dengan mangsa akan berkahwin selepas masalah selesai, pengeluaran wang daripada akaun milik tempatan akan di-

lakukan secara berperingkat dan jika pengeluaran yang banyak, mereka akan mengeluarkan wang di kaunter bank.

Senario ini membuktikan betapa kumpulan ini sememangnya berniat untuk menipu dan mengaut keuntungan di alam maya dengan begitu mudah tanpa perlu kerja keras maupun mengeluarkan puluh. Malah ia boleh dilakukan dari lokasi yang beribu batu jauhnya dari negara ini.

Sewajarnya wanita tempatan mengambil iktibar daripada segala pendedahan seperti ini. Cukuplah bilangan mangsa yang terjerat selama ini. Jangan ulangi kesilapan yang sama kerana akhirnya kita jua yang akan rugi.

Percayalah jodoh pertemuan di tangan Tuhan. Jangan letak diri dalam keadaan terdesak maupun tertekan sehingga sanggup menagih cinta lelaki luar yang belum pasti kebenaran dan kesahihannya. Ramai lagi lelaki tempatan yang boleh dipercayai untuk dijadikan teman hidup.

Dalam konteks ini keluarga juga perlu memainkan peranan. Memandangkan golongan yang menjadi mangsa selama ini bukan calang-calang orang kerana membabitkan golongan profesional dan berpelajaran tinggi maka institusi kekeluargaan perlu menjadi benteng penyelamat yang terakhir.

Jangan sesekali biarkan anak, adik maupun kakak kita terjerumus dalam kancan penipuan cinta siber seperti ini.

Kita kluatir jika masalah ini tidak ditangani dengan baik bakal mengheret kita dalam masalah sosial yang lebih besar.

Misalnya, wanita yang menjadi mangsa cinta siber ini boleh mengalami masalah kemurungan serius sehingga mendorong melakukan perkara-perkara yang tidak baik seperti membunuh diri.

Perkara ini tidak mustahil berlaku kerana percayalah, ada dalam kalangan mangsa terpaksa menggadai segala harta termasuk membuat pinjaman untuk membantu 'teman lelaki' maya terbabit yang menaburkan pelbagai janji manis termasuk membayar balik kelak yang akhirnya ditipu dan mangsa terpaksa menanggung hutang terbabit.

Justeru, kita berharap di samping pihak berkuasa memperhebatkan aktiviti pencegahan dengan kerjasama agensi yang terlibat, wanita tempatan dan juga keluarga perlu sedar dan memainkan peranan sewajarnya.

Jangan sesekali biarkan diri kita diperalatkan dan menjadi mangsa yang berikutnya.

PENULIS ialah Ketua Bahagian Hal Ehwal Pelajar, Universiti Putra Malaysia.